



Ufupisho wa Kuwawezesha Maaskofu

-Na Mch. Marek P. Zabriskie, Mchungaji Kiongozi wa Kanisa Christ Church Greenwich (Connecticut) Mwanzilishi wa Kituo cha Masomo ya Biblia na Changamoto ya Biblia

www.thecenterforbiblicalstudies.org



Mmoja wa Mababa wa Kanisa aliandika, “Jinsi askofu anavyoenenda ndivyo na dayosisi inavyoenenda.” Muonekano na mfano wa askofu unaweza kuwagusa maelfu ya watu katika kukua kiroho.

Tafiti zinaonyesha kuwa njia ya kwanza kubwa ya kutukuza kufikia utu uzima wa kiroho kama Wakristo ni kwa kusoma Maandiko kila siku. Kusikiliza maandiko yakisomwa kanisani ni sawa na kukaa kwenye kiti cha abiria cha gari. Hatujifunzi jinsi ya kuendesha gari au kujifunza njia ya tuendako.

Kituo cha Masomo ya Biblia (CBS – Centre for Biblical Studies) kinamhimiza kila askofu kuwaalika makasisi na walei wa dayosisi yake kumuunga mkono askofu katika kusoma Biblia yote kwa mwaka mmoja kwa lengo kuu la kuwasaidia maelfu ya watu kuanzisha tabia ya maisho yote ya kusoma Biblia kila siku.

Tafiti zimeonyesha kuwa kama mtu atasoma Biblia kwa siku 21 kwa mfululizo ana uwezekano wa 80% wa kuanzisha nidhamu ya maisha yake yote ya kusoma Biblia kila siku na usomaji huo wa Biblia mara nne au zaidi kwa wiki utaleta mabadiliko chanya yanayopimika katika tabia ya uadilifu.

Tovuti yetu www.thecenterforbiblicalstudies.org inatoa msaada mkubwa kuwasaidia waumini katika dayosisi yako na wewe mwenyewe.

Ili kuwasaidia maaskofu, tunapendekeza mambo yafuatayo:

Muda Muafaka

Dayosisi yako na wewe mnaweza kuanza Changamoto ya Biblia wakati wowote katika mwaka.

Tumegundua kuwa nyakati za kufaa zinaweza kuwa pamoja na:

Anza Januari 1, wakati watu wengi wanafanya Maazimio ya Mwaka Mpya.

Wahimiza makasisi na walei kuungana nawe katika kufanya azimio la kiroho kwa kusoma Biblia pamoja nawe wakifuata taratibu ya masomo ya mwaka.

Anza wakati wa Kwaresma ana tumia Changamoto ya Biblia kama nidhamu yako ya Kwaresma na endelea nayo mwaka mzima.

Anza mwanzoni wa msimu wa kiangazi wakati watu wengi hawana shughuli nyingi na wana muda zaidi wa kusoma.

Anza wakati wa kipupwe, kuanzia mwezi wa Septemba hadi Agosti.
Anza wakati wa Maajilio ili kusoma Maandiko kwa mwaka wote wa Kanisa.

Tafsiri, Kasi ya Usomaji na Teknologia

Tunapendekeza kwa msomaji wa Kiingereza usome *New Oxford Annotated Edition* [kwa msomaji wa Kiswahili usome *The Holy Bible in Kiswahili Union Version with Concordance 1997*]

Tunakuhimiza kuwaalika makasisi na walei: 1) kusoma sura za Agano la Kale, 2) zaburi moja na 3) sura moja ya Agano Jipya kila siku. Hii itakuwaidia kupitia Biblia yote kwa mwaka.

Tunapendekeza makasisi na walei wa dayosisi yako kufikiria kuchapua Biblia katika iPad, iPhone, Kindle, Nook au vifaa vingine vya kielekroniki, na kusikiliza kwenye CDs. Biblia ya NIV tayari ipo kwenye CDs.

Kuufikia Uzoefu wenye Mabadiliko na Kuwashirikisha wengine

Tunawahimiza maaskofu kuwafikia marafiki na wale walio na uhusiano nao katika dayosisi zao na nje ya dayosisi kujiunga nao katika usomaji wa Biblia kwa mwaka, wakiwemo wanafunzi wa uchungaji na wote wanaoandaliwa kwa huduma ya uchungaji.

Wewe ndiye muinjilisti wa kwanza katika dayosisi. Tunakuhimiza kuongoza kwa mfano na kuwatia moyo makasisi kutenda vivyo hivyo katika mitaa yao. Washirikishe shuhuda katika vipeperushi vya dayosisi katika ziara za kidayosisi na makongamano jinsi Changamoto ya Biblia inavyokubadilisha wewe na wengine.

Mbinu Zinazoshauriwa za Usomaji

Wape ruhusa wale wanaoshiriki katika Changamoto ya Biblia kuruka au kupitia kwa haraka nasaba na sheria za vyakula, ili wasicheleweshwe kufikia lengo lao la kusoma Biblia yote.

Tunatetea mbinu ya kiroho na siyo ya kiakili tu na kitaaluma ya usomaji wa Biblia. Kila msomaji ajiweke katika uwepo wa Mungu kabla ya kusoma.

Jinsi ya Kukuza Changamoto ya Biblia na kufurahia Kujitangaza Bure

Tunapendekeza kuwa maaskofu wawaandikie makasisi wao na kuweka makala kwenye vipeperushi vyao wakiialika dayosisi yote kujiunga katika kusoma Biblia yote kwa mwaka mmoja.

Muombe kila kasisi kiongozi kutangaza mwaliko wako wa kujiunga kwenye Changamoto ya Biblia katika vipeperushi vya mtaa na matangazo ya Jumapili.

Tunahimiza kuviarifu vyombo vya habari kufahamu kwamba wewe na dayosisi yako mnashiriki katika Changamoto ya Biblia.

Kuzifikia Rika Zote

Tunapendekeza wazazi kusoma: *The Big Picture Story Bible* cha Scripture Union kwa watoto wenye umri wa miaka 2-7, *The Spark Bible* cha NRSV au DK Bible kwa watoto wenye umri mkubwa zaidi.

Kwa taarifa zaidi tembelea tovuti ya CBS ili upate “vichapisho kwa ajili ya watoto, vijana na familia.” Tunawahimiza vijana katika dayosisi walio kuwa kiimani kujiunga na Changamoto ya Biblia wakitumia *NIV Teen Study Bible* kwa wasomaji wa Kiingereza [au Biblia itakayopendekezwa na Chama cha Biblia Tanzania, kwa wasomaji wa Kiswahili].

Kutoa Msaada Endelevu na Kujenga Moyo wa Uwajibikaji

Ni muhimu kutoa msaada endelevu, na kuwafanya wawajibike na kuwasaidia, hasa wakati wa miezi mitatu ya kwanza ya Changamoto ya Biblia. Wale watakao kutana na mafanikio katika siku 90 za mwanzo wana uwezekano wa kusoma Biblia yote.

Tunapendekeza uchapishaji wa majina ya kila mtu anayeshiriki kwenye Changamoto ya Biblia kwenye kipeperushi cha dayosisi. Jambo hili litafanya wengine wajue ni akina nani na ni wangapi wanaoshiriki. Jambo hili linaadhimisha moyo wao wa kujitoa na kuwafanya wawajibike katika kujitoa kwao.

Tunashauri yakusanywe majina na anuani za barua-pepe za wote wanaoshiriki katika Changamoto ya Biblia ili wewe kama askofu wao uzitumie kuwasiliana nao mara kwa mara au kwa njia yoyote kuwatumia ujumbe wa mara kwa mara wa kuwatia moyo na kuwapa neno la hekima washiriki.

Barua pepe itakuwaidia wewe kutoa ufafanuzi maalumu kuhusu Biblia. Kwa kuwashirikisha jinsi Biblia inavyo imarisha imani yako, unaweza kuwatia moyo zaidi.

Uyahimize makanisa yanayoshiriki kuombeana kila Jumapili kwa ajili ya mabadiliko ya kiroho kwa wale wanaoshiriki Changamoto ya Biblia.

Kusherekea Mafanikio ya Dayosisi Yako

Mwisho wa mwaka, maaskofu wanahimizwa kuandaa chakula cha hisani kwa wale wote walioshiriki katika Changamoto ya Biblia. Makasisi na walei wanaweza kutoa ushuhuda mfupi jinsi usomaji wa Biblia ulivyowabadilisha maisha yao.

Toa hati ya kumtambua kila mtu aliyeshiriki kwa uaminifu katika kusoma Biblia, na tuzo maalumu kwa wale walisoma Biblia yote.

Kuzindua upya Changamoto ya Biblia katika Dayosisi Yako na Kutoa uhiari wa Kuchagua

Yatie moyo makanisa yanayoshiriki kuendesha madarasa ya ufuatiliaji kwa wale waliosoma Biblia yote na wale waliohangaika na hawakumaliza.

Waalike wale waliosoma Biblia yote kuwa wasimamizi wa wale wanaosoma kwa mwaka wa pili.

Kila mwaka zingua upya Changamoto ya Biblia ili kupata wanachama zaidi katika dayosisi wenye kusoma Biblia yote. Katika mwaka wa pili toa zaidi uchaguzi wa hiari kwa washiriki (tazama kabrasha la Maaskofu juu ya Changamoto ya Biblia).

Waalike wale waliosoma Biblia pamoja nawe katika tafsiri moja kuisoma tena pamoja nawe katika Mwaka wa Pili kwa kutumia tafsiri tofauti. Kuzindua upya Changamoto ya Biblia inathibitisha kwamba lengo ni kuwa msomaji wa Biblia wa kila siku kwa maisha yote.

Mbeleni baada ya kustaafu, jambo la muhimu kuliko yote utakalokuwa umefanya kwa waumini wa dayosisi yako ni kuwashirikisha Neno la Mungu, lilipandwa ndani zaidi katika myoyo yao, na kuwatia moyo zaidi kusoma Biblia kila siku kwa maisha yao yote.

Nakushukuru kwa uongozi wako,



The Reverend Marek P. Zabriskie
mzabriskie@christchurchgreenwich.org

